

Rachelle Lue-Goedgedrag a bishita biblioteca pa entrega di su prome buki titula ‘Louella’

Un debut cu Rachelle a lansa na november 2024

RACHELLE Lue-Goedgedrag ta mira su skirbimento y expresion propio como entretenimento y pa laga su fantasia liber. Caminda hungamento cu palabra ta un fuente di inspiracion. Inspiracion cu ta hiba e autor y su storia riba diferente ruta, sin sa adelanta con e storia ta desaroya su mes of con e ta caba. Pues un aventura riba su mes. ‘Louella’ ta un buki contemporaneo cu storia cu diferente personahe. Pa describi e ‘feel’ di e storianan Rachelle ta uza e palabranan ‘diferente’, ‘toke sensual’, ‘romantico’ y ‘yena di aventura’.

‘Louella ta un buki pa adulto. Rachelle ta hopi contento con e proceso di publica un buki a bay y ta wak bek riba un experiencia bunita, aventuroso y un realisacion di su soño. P’esey e ta conseha otro escritornan tambe pa sigui skirbi y publica. Esaki ta “un buki cu lo hinca bo den un suspenso, laga bo hari pero tambe para keto na algun topico real cu varios di nos sa confronta den bida”



Rachelle Goedgedrag a nace na Aruba y a studia ‘Toegepaste Psychologie’. Semper a encanta storia cu tin un toke di creatividad, drama, chiste, pero cu ta laga bo reflexiona tocante di bisa.


E buki ta obtenibel na Libreria local y pronto tambe na biblioteca. E prome ehemplar cu Rachelle Goedgedrag a entrega awe na directora di Biblioteca Nacional Aruba, ta pa e coleccion nacional.

Por pidi e buki tambe cerca e autora mes pa medio di Instagram.



Antologia Arubano

AUTOR Vi Frank jr. ta duna curso di skirbimento creativo na Biblioteca Nacional Aruba. Como tarea final e cursistanan a skirbi un storia. Vi Frank jr a compila y edita e storianan skirbi pa su studiantenan: Josina Boekhoudt, Sigbert Lumenier, Gina Paula, Ida Croes, Richard Frank, Shaitza Oliveira, Shuraima Quant y Valerie Figaroa.



Ademas tin un storia di Vi Frank jr. mes. Tur e studiantenan a sigui 3 curso ‘Skirbimento creativo’ cerca Vi Frank jr. E compilacion aki a haya como titulo: ‘Antologia Arubano’. Presentacion ta tuma luga diabierna, dia 22 di november na Biblioteca Nacional Aruba 5or di atardi. Publico, amigonan y famia ta bon bini